

Pendirian Malaysia mengenai penyelesaian Kampuchea

Oleh ZAINOOR SULAIMAN

KUALA LUMPUR, Selasa — Langkah-langkah selanjutnya yang bakal diambil dalam usaha menyelesaikan konflik di Kampuchea mestilah selaras dengan deklarasi sidang antarabangsa mengenai Kampuchea, menurut seorang pegawai kanan Malaysia.

"Ini merupakan pendirian Kerajaan Malaysia dan anggota-anggota negara Asean," katanya mengulas mengenai laporan dari Tokyo yang menyebut Menteri Luar Laos, En-cik Kamphay Boup-ha, bahawa negaranya sedang berusaha menghubungi negara-negara Asean untuk mengadakan persidangan antarabangsa mengenai isu Kampuchea.

Menurut pegawai itu, cadangan Menteri Luar Laos itu bukan perkara baru kerana ia berdasarkan keputusan persidangan Menteri-Menteri Luar Indo-china yang dihadiri oleh Vietnam, Laos dan Regim Heng Samrin di Kampuchea.

Bagaimanapun, Malaysia masih mengekalkan hubungan dengan Vietnam mengenai isu tersebut, katanya.

Malaysia telah men-jelaskan kedudukan-

nya kepada Vietnam dan berharap Hanoi akan menyambutnya secara positif, bukan sahaja demi kepentingannya tetapi "untuk kebaikan Asia Tenggara."

Menurut pegawai itu lagi, penyelesaian bagi masalah Kampuchea bukan sahaja memastikan keamanan dan keselamatan bagi Vietnam tetapi juga di rantau ini.

Deklarasi persidangan antarabangsa mengenai Kampuchea menyeru pengunduran segera pasukan tentera Vietnam dari Kampuchea untuk membolehkan negara itu menentukan masa depannya sendiri dan mewujudkan keamanan. — Bernama.

Bahan asal dari Arkib
Negara Malaysia